

古今宮闈祕記卷三目次

后妃類下

寶后髮與身等

賢妃詩

冷修羊

裙上五色雲起

庶人作祟

錦帳三十里

錢戲

蝶幸

楊太真外傳下

后妃類下
目次

作小山篇

爲女當作天子

鏡殿

鬪草取鬚

梅妃

千盤之費十家之產

淚粧

楊太真外傳上

藕覆

古今宮闈秘記 卷三

楊太真善擊磬

一捻紅

月中之餐何在

阿環玉環

楊妃上馬圖

王才人之殉武宗

不蹈武氏覆轍

獨忿犀

郭氏爲尼

劉后之佞佛

花見羞

李守正子婦

瑞聖奴

白鳳銜書

錦機 雀頭履

鄭畋詠馬嵬佛堂詩

祝髮爲尼

孟才人

淑妃不淑

曹皇后之內助

愛妃賜臣

藥帝出亡

以叔母爲后

游賞惜費

龍蓋簪

周后之審音

黃保儀

宵娘

醉粧

蜀太后之卓識

雷擊張氏

愛弟贈囊

諺語成識

不作負祖宗事

劉氏大嬢嬢楊氏小嬢嬢

身歷五朝勤約自處

后妃類下 目次

陌上花開緩緩歸

寂機步香階手提金縷鞋

見燈閉目

徐氏二女

龍見山飛

驚婚

蜀有雨花蕊夫人

叙完當爲男子

當爲汝成之

八香京挺

誤批上類

工飛白書

古今宮闈秘記 卷三

肅清宮掖

文字一函

只此日來只此日去

女中堯舜

老婆待死也

出居舊宮二十年

家屬不預朝政

章賢妃之儉德

今汝一識曾三

劉貴妃 崔妃

吳后夢兆

吳皇后之盛德

龍涎沈腦屑和臘爲燭

幸聚景園

素饌雜鷄汁

光宗后之悍妒

夢龍入懷

殍帝投海

甄氏之密贊大謀

黜面狼視

以草薶爲殿式白金爲浮圖

蕭后之冤死

作歌諫帝

唐括氏之喜賓客

海陵三妃

昭德皇后之善處危疑

一月日邊明

芝生於柩

元世祖后之勤儉

賢德媳婦

駱妃能歌

遣光

順帝后之禮法自持

后妃移外之由

孫貴妃

朝天女戶

后妃類下 目次

李氏之姿德

黃衣女子

紅光被體

明惠皇后之端嚴

帽簷比甲之始

毀祕密佛像

順宗后

麗色多春之市

七貴

馬皇后之盛德

郭甯妃

女諸生

古今宮闈秘記 卷三

權妃

脫微此廢爾久矣

自知死期

孫后

壞股傷目

汪后之執持

知恩報恩

唐氏之殉主

紀太后之幸免

紅藥詩得幸

葛妃之奇妬

拂子撻宮人

夢月入懷

劉娘娘

王妃溫泉詩

慈聖后之嚴厲

光宗兩李妃

堆紗佛

一幡竿最少三千

懿安之殉國

一死一生

周皇后傳

周后熱通鑑

吾家探花

草棉紡車

周后厚哀薄田

千秋節演戲

袁貴妃不死

田妃善妝攏

田貴妃諫女樂

田貴妃善書

田貴妃善繡

田妃以女弟爲囑

宮門掛紅紗燈

彭妃

香妃

爲煮蔬菜

顏如玉

天水碧

田貴妃之多才藝

田妃多巧思

三寸金蓮

田貴妃善騎

誕日避幸

人生天也不見

董妃

董妃

孝莊下嫁

后妃類下 目次

古今宮闈秘記 卷三

孝賢墜水

文宗密諭

不辱官守

又則

隆裕之調護德宗

隆裕之讓德

納蘭爲尼

珍妃墜井

孝欽遺事 二則

孝欽之虐待德宗

隆裕之苦心

古今宮闈祕記卷三

后妃類下

寶后髮與身等

唐書。寶皇后生時。髮垂過頸。三歲與身等。

作小山篇

唐書后妃傳。太宗賢妃徐惠。湖州長興人。生五月能言。四歲通論語詩。八歲工屬文。父孝德嘗試使擬離騷。爲小山篇曰。仰幽巖而流盼。撫桂枝以凝想。將千齡兮此遇。荃何爲兮獨往。孝德大驚。知不可掩。於是所論著。遂盛傳。太宗聞之。召爲才人。手未嘗廢卷。

賢妃詩

天中記。長安崇聖寺有賢妃妝殿。太宗嘗召妃。久不至。怒之。妃進詩云。朝來臨鏡臺。

妝罷暫徘徊。千金始一笑。一召詎能來。

爲女當作天子

袁天綱傳。武后幼時。天綱見其母曰。夫人法生貴子。乃見二子元慶元爽。曰。官三品。保家主也。見韓國夫人曰。此女貴而不利夫。后最幼。姆抱以見。給以男。天綱視其步與目。驚曰。龍瞳鳳頸。極貴驗也。若爲女。當作天子。

冷修羊

清異錄。天后好食冷修羊。賜張昌宗冷修羊手札曰。珍郎殺身以奉國。

鏡殿

李商隱詩。鏡檻芙蓉入。朱鶴齡注。高宗時。武后作鏡殿。四壁皆安鏡。爲白晝秘戲之須。楊廉夫詩。鏡殿春深秘戲多。玉肌相照影相磨。六郎酣戰明空笑。隊隊鴛鴦漾綠波。

裙上五色雲起

舊唐書中宗本紀。景龍二年，皇后言衣箱中裙上有五色雲起。帝令畫工圖其狀，以示百僚。內外五品已上官母妻各加邑號一等。無妻者聽授女。天下婦人八十已上，版授鄉縣郡等君。

鬪草取鬚

韋絢劉賓客嘉話錄。晉謝靈運美鬚。臨刑施爲南海祇洹寺維摩像鬚。寺人寶惜。初不虧損。中宗朝安樂公主五日鬪草。欲廣其物色。令馳騎取之。又恐爲他人所得。因剪棄其餘。

庶人作崇

唐開元十六年，詔九品官息女可配太子者。有司採閱待進止。以太常少卿薛綰女爲妃。帝種麥苑中。瑛諸王侍。帝曰：是將薦宗廟。故親之。亦欲若等知稼穡之難。因分賜侍臣曰：春秋書無麥禾。古所甚重。比詔使者閱田畝。所對不以實。故朕自蒔以觀其成云。初瑛母以娼進。善歌舞。帝在潞得幸。及卽位。擢妃父元禮兄常奴皆至大官。

后妃類下

三

鄂光二王母亦帝爲臨淄王時以色選。及武惠妃寵幸傾後宮。生壽王。愛與諸子絕等。而太子二王以母失職。頗怏怏。惠妃女咸宜公主壻楊洄。揣妃旨。伺太子短。譁爲醜語。惠妃訴於帝。且泣。帝大怒。召宰相議廢之。中書令張九齡諫曰。太子諸王。日受聖訓。天下共慶。陛下享國久。子孫蕃衍。奈何一日棄三子。帝默然。太子得不廢。俄而九齡罷。李林甫專國。數稱壽王美。以媚妃意。妃果德之。二十五年。洄復搆瑛瑤。瑤與妃之兄薛鏞異謀。惠妃使人詭召太子二王曰。宮中有賊。請介以入。太子從之。妃白帝曰。太子二王謀反。甲而來。帝使中人視之。如言。遽召宰相林甫議。答曰。陛下家事。非臣所宜豫。帝意決。乃詔太子瑛。鄂王瑤。光王琚。同惡均罪。並廢爲庶人。鏞賜死。瑛瑤琚尋遇害。天下冤之。號三庶人。歲中惠妃數見庶人爲祟。因大病。夜召巫祈之。請改葬。且射行刑者瘞之。訖不解。妃死祟亡。

梅妃

梅妃姓江氏。莆田人。父仲遜。世爲醫。妃年九歲。能誦二南。語父曰。我雖女子。期以此

爲志。父奇之。名曰采蘋。開元中高力士使閩粵。妃笄矣。見其少麗。選歸侍明皇。大見寵幸。長安大內大明興慶三宮。東都大內上陽兩宮。幾四萬人。自得妃。視如塵土。宮中亦自以爲不及。妃善屬文。自比謝女。淡妝雅服。而恣態明秀。不可描畫。性喜梅。所居闌檻悉植數株。上榜曰梅亭。梅開賦賞。至夜分。尙顧戀花下。不能去。上以其所好。戲名曰梅妃。妃有蕭蘭。梨園。梅花。鳳笛。玻盃。剪刀。綺窗。八賦。是時承平歲久。海內無事。上於兄弟間極友愛。日從燕閒。必妃侍側。上命破橙往賜諸王。至漢邸。潛以足躡妃履。登時退。上命連官報言適履珠脫綴。綴竟當來。久之。上親往命妃。妃拽衣向上。言胸腹疾作。不果前也。卒不至。其恃寵如此。後上與妃鬪茶。顧諸王戲曰。此梅精也。賜白玉笛。作驚鴻舞。一座光輝。茶鬪今又勝我矣。妃應聲曰。草木之戲。誤勝陛下。設使調和四海。烹飪鼎鼐。萬乘自有心法。賤妾何能較勝負也。上大悅。會太真楊氏入侍。寵愛日奪。上無疎意。而二人相疾。避路而行。上嘗方之英皇。議者謂廣狹不類。竊笑之。太真忌而智。妃性柔緩。亡以勝。後竟爲楊氏遷於上陽東宮。後上憶妃。夜遣小

黃門滅燭。密召妃至翠華西閣。敍舊愛。悲不自勝。繼而上失寤。侍御驚報曰。妃子已屈閣前。當奈何。上披衣抱妃藏夾幙間。太真既至。問梅精安在。上曰在東宮。太真曰。乞宣至。今日同浴溫泉。上曰此女已放屏。無並往也。太真語益堅。上顧左右不答。太真大怒曰。肴核狼藉。御榻下有婦人遺舄。夜來何人侍陛下。寢懽醉至於日出不視朝。陛下可出見羣臣。妾止此閣。以俟駕回。上愧甚。拽衾向屏復寢。曰今日有疾。不可臨朝。太真怒甚。徑歸私第。上頃覓妃所在。已爲小黃門送令步歸東宮。上怒斬之。遺舄并翠鈿。命封賜妃。謂使者曰。上棄我之深乎。使曰上非棄妃。誠恐觸太真怒耳。妃笑曰。恐伶我則動肥婢情。豈非棄也。妃以千金壽高力士。求詞人。擬司馬相如爲長門賦。欲邀上意。力士方奉太真。且畏其勢。報曰無人解賦。妃乃自作樓東賦。略曰。玉鑑塵生。鳳奩香殄。懶蟬鬢之巧梳。閑縷衣之輕練。苦寂寞於蔥宮。但凝思乎蘭殿。信標落之梅花。隔長門而不見。況乃花心颺恨。柳眼弄愁。煖風習習。春鳥啾啾。樓上黃昏。聽鳳吹而回首。碧雲日暮。對素月而凝眸。溫泉不到。憶拾翠之舊遊。長門深

閉嗟青鸞之信修。憶太液清波。水光蕩浮。笙歌賞燕。陪從宸旒。奏舞鸞之妙曲。乘畫
鷁之仙舟。君情縷縷。深叙綢繆。誓山海而常在。似日月而無休。奈何嫉色庸庸。妒氣
冲冲。奪我之愛幸。斥我乎幽宮。思舊歡之莫得。想夢著乎朦朧。度花朝與月夕。羞懶
對乎春風。欲相如之奏賦。奈世才之不一。屬愁吟之未盡。已響動乎疎鐘。空長嘆而
掩袂。躊躇步於樓東。太真聞之。訴明皇曰。江妃庸賤。以庾詞宣言怨望。願賜死。上默
然。會嶺表使歸。妃問左右何處驛使來。非梅使耶。對曰。庶邦貢楊妃。果實使來。妃悲
咽泣下。上在花萼樓。會夷使至。命封珍珠一斛密賜妃。妃不受。以詩付使者曰。爲我
進御前也。曰。柳葉雙眉久不描。殘妝和淚污紅綃。長門自是無梳洗。何必珍珠慰寂
寥。上覽詩。悵然不樂。令樂府以新聲度之。號一斛珠。曲名始此也。後祿山犯闕。上西
幸。太真死。及東歸。尋妃所在。不可得。上悲謂兵火之後。流落他處。詔有得之。官三秩。
錢百萬。搜訪不知所在。上又命方士飛神御氣。潛經天地。亦不可得。有宦者進其畫
真。上言似甚。但不活耳。詩題於上曰。憶昔嬌妃在紫宸。鉛華不御得天真。霜綃雖似

當時態爭奈嬌波不顧人。讀之泣下。命模像刊石。後上暑月晝寢。髣髴見妃。隔竹間泣。含涕障袂如花。朦霧露狀。妃曰。昔陛下蒙塵。妾死亂兵之手。哀妾者埋骨池東梅株傍。上駭然流汗而寤。登時令往太液池。發視不獲。上益不樂。忽悟溫泉湯池側有梅十餘株。豈在是乎。上自命駕令發視。纔數株。得屍裹以錦裯。盛以酒槽。附土三尺許。上大慟。左右莫能仰視。視其所傷脇下有刀痕。上自製文誄之。以妃禮易葬焉。

錦帳三十里

因話錄。唐元宗柳婕妤。生延王玢。肅宗每見王。則語左右曰。我與王兄弟中更相親。外家皆關中貴族。柳氏乃尚書右丞範之女。睦州刺史齊物之妹也。睦州刺史少俊邁。風格精異。周隋已後。家富於財。嘗至京師。有名娼嬌陳者。姿藝俱美。爲士子所奔走。睦州君詣之。悅焉。嬌陳曰。第中有錦帳三十里。即奉事終身。蓋將以斯言戲之耳。翌日遂如數載。席帳以行。嬌陳大驚。且賞其奇特。竟如約。入柳氏之家。執僕媵之禮。元宗在人間。常聞嬌陳名。訪之。及召入宮。涕泣稱痼疾。且老。上知其不可強也。許其

歸。因語曰。我聞柳家多賢子女。可以稱內職者可言之。嬌陳以睦州君女弟對。遂納之。立婕妤。生延王及一公主焉。

千盤之費十家之產

天寶中。諸公主相效進食。上命中官袁忠爲檢校進食使。水陸珍羞。數千盤之費。蓋中人十家之產。

錢戲

開天遺事。內庭妃嬪。每至春時。各於禁中結伴。二三人至五人。擲金錢爲戲。蓋孤悶無所遣也。

淚粧

開天遺事。宮中嬪妃輩。施素粉於兩頰。號爲淚粧。

蝶辛

開天遺事。開元末。明皇每至春時。且暮宴於宮中。使妃嬪輩爭插豔花。帝親捉蝶放。